

U G O V O R

Nabavka usluge održavanja i unapređenja aplikacijskog softvera „Elektronski dnevnik“ za potrebe osnovnih škola u nadležnosti Ministarstva za obrazovanje, nauku i mlade Kantona Sarajevo

Zaključen dana 13. 8. 2020 . godine između:

I - UGOVORNE STRANE

MINISTARSTVO ZA OBRAZOVANJE, NAUKU I MLADE KANTONA SARAJEVO, sa sjedištem u Sarajevu, Ul. Reisa Džemaludina Čauševića br. 1, kojeg zastupa Mr. Anis Krivić, ministar (u daljem tekstu: Kupac), identifikacijski broj: 4200666870003

i

„QSS“ d.o.o. – Društvo za softversku tehnologiju Sarajevo, sa sjedištem u Sarajevu, Ul. Branilaca Sarajeva 20, identifikacijski broj: 4200103980007, transakcijski račun broj: 1601030000072773 kod Vakufske banke d.d. Sarajevo, kojeg zastupa direktor Isan Selimović (u daljem tekstu: Prodavac)

II – PREDMET UGOVORA

Član 1.

- (1) Predmet ovog ugovora je nabavka usluge održavanja i unapređenja aplikacijskog softvera „Elektronski dnevnik“ za potrebe osnovnih škola u nadležnosti Ministarstva za obrazovanje, nauku i mlade Kantona Sarajevo.
- (2) Naručilac naručuje, a Izvršilac preuzima obavezu da za račun Naručioaca, a prema uslovima i odredbama ovog Ugovora i na osnovu usaglašene konačne ponude br. 38/20 od 24.07.2020. godine izvrši uslugu održavanja i unapređenja aplikacijskog softvera „Elektronski dnevnik“ za potrebe osnovnih škola u nadležnosti Ministarstva za obrazovanje, nauku i mlade Kantona Sarajevo.
- (3) Isporučilac se obavezuje da, po nalogu Naručioaca, a na osnovu prethodno usaglašene i od strane Naručioaca usvojene ponude, isporuku softverske aplikacije iz člana 1. ovog ugovora izvrši prema prihvaćenim uslovima, a sve u skladu sa odredbama ovog Ugovora.

III – KVALITET I OBIM

Član 2.

- (1) Izvršilac se obavezuje da sve ugovorene obaveze izvrši prema važećim propisima, standardima i normativima za ovu vrstu poslova uz:
 - a) Održavanje stabilnosti i funkcioniranje aplikativnog softvera:
 - podešavanje servera baze podataka u cilju povećanja performansi
 - podešavanje aplikacijskog servera u cilju povećanja performansi
 - vraćanje sistema u funkcionalno stanje u slučaju neočekivanog zastoja u radu.

- b) Unapređenje postojećih funkcionalnosti aplikacije:
 - dorada modela podataka
 - izmjena korisničkog interfejsa za unos novih podataka
 - dodavanje novih funkcionalnosti unutar postojećih modula
 - unapređenje funkcionalnosti aplikacije
- c) Isporučiti tehničku i korisničku dokumentaciju u hard i elektronskoj formi,
- d) Eventualna odstupanja od uslova koji su definirani kroz prihvaćenu ponudu, moraju biti prethodno odobrena od strane Naručioca.

IV – KONTROLA

Član 3.

Stručni nadzor nad realizacijom ovog posla vršit će ovlašteno lice ispred Ministarstva za obrazovanje, nauku i mlade Kantona Sarajevo, **Burim Adžanel**. Ovlašteno lice za realizaciju poslova po ovom Ugovoru ispred Izvršioca je g-đa **Ana Markić - Lončarević**.

V – GARANCIJA O KVALITETU

Član 4.

Izvršilac daje garanciju na kvalitet i vjerodostojnost isporučene softverske aplikacije, sa pravom na trajno korištenje softverske aplikacije bez bilo kakvih ograničenja i uslovljavanja od dana izvršene primopredaje istog.

VI – CIJENA

Član 5.

Cijena usluge iz člana 1. ovog ugovora sa uračunatim PDV-om iznosi 58.500,00 KM. Ponuda sa ukupnom ugovorenom cijenom nalazi se u prilogu ovog Ugovora i čine njegov sastavni dio.

Član 6.

Izvršilac nema pravo na promjenu ugovorene cijene, po bilo kom osnovu i u tom smislu cijena utvrđena prihvaćenom ponudom, smatra se fiksnom i nepromjenljivom.

VII – NAČIN I USLOVI PLAĆANJA

Član 7.

Cijena ostaje fiksna za vrijeme trajanja ugovora.

Član 8.

Naručilac se obavezuje da će plaćanje usluge iz člana 1. ovog ugovora izvršiti nakon realizacije ugovorenog posla u roku od 10 dana po ispostavljanju i dostavljanju fakture na transakcijski račun Izvršioca broj: **160103000072773** otvoren kod **Vakufske banke d.d.** Sarajevo.

Izvršilac je saglasan da Naručiocu neće zaračunavati zatezne kamate za zakašnjenje pri plaćanju preko „Trezora”, ako je Naručilac u ugovorenom roku predao nalog za plaćanje, a Izvršilac primio uplatu sa odgodom od jednog ili više dana od ugovorenog roka iz stava 1. ovog člana.

Adž.

Član 9.

Izvršilac zadržava pravo vlasništva nad uslugom sve do potpunog izmirenja računa.

VIII – ROKOVI I USLOVI REALIZACIJE POSLOVA

Član 10.

Rok za realizaciju svih ugovorenih poslova po ovom Ugovoru je 45 dana od dana potpisivanja Ugovora.

Član 11.

Izvršilac poslova je odgovoran za kvalitet i vjerodostojnost isporučene softverske aplikacije. Naručilac softverske aplikacije može zahtjevati od Izvršioca da se u toku rada na softverskoj aplikaciji traži da se urade određene preinake u cilju besprijealnog rada na istoj.

Član 12.

Izvršilac je obavezan da realizaciju ugovorenih poslova obavi u skladu sa važećim propisima, uz poštivanje svih pravila koje zahtjeva vlasnik softverske aplikacije, a koja nisu u suprotnosti sa važećom zakonskom regulativom.

IX – PENALI I KAZNA

Član 13.

U slučaju da Izvršilac svoju ugovorenu obavezu ne izvrši u ugovorenom roku i u ugovorenom obimu, Naručilac stiče pravo na obračun i naplatu kazne za prekoračenje ugovorenog roka u iznosu od 0,5% od Ugovorene vrijednosti, za svaki dan zakašnjenja, a najviše do 5% od ugovorene vrijednosti poslova. Za sva kašnjenja prouzrokovana od strane Naručioca (dostavljanje informacija za projekat i sl.), Izvršilac ne snosi odgovornost plaćanja kazne.

Član 14.

Ugovorena kazna će biti obračunata kroz isplatu ukupne vrijednosti ovog Ugovora.

X – IZMJENA ODREDBI UGOVORA, RASKID UGOVORA

Član 15.

Ugovorne strane su saglasne da se odredbe Ugovora mogu mijenjati sporazumno i samo u pisanoj formi i kao takav dokument čini sastavni dio ovog Ugovora.

Član 16.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim neizvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid Ugovora i naplatu nastale štete.

Def.

XI – PRELAZNE I ZAVRŠNE ODREDBE

Član 17.

Sastavni dio ovog Ugovora čine:

1. usaglašena i od strane Naručioca prihvaćena ponuda Izvršioca posla br. 38/20
2. sva druga obostrano usaglašena i ovjerena dokumentacija koja nastane tokom realizacije poslova po ovom Ugovoru.

Član 18.

Sve eventualne sporove koji proisteknu iz ovog Ugovora rješavat će ugovorne strane sporazumno. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu.

Član 19.

Ovaj ugovor stupa na snagu danom potpisa od strane ugovornih strana.

Član 20.

Izvršilac zadržava sva autorska prava proistekla iz njegovog industrijskog vlasništva nad cjelokupnim predmetom ovog Ugovora.

Član 21.

Ovaj ugovor sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.

Izvršilac

„QSS“ d.o.o.

DIREKTOR


Isan Selimović

Broj: 1308-01/20
Sarajevo, 15.08.2020.

Naručilac

Kanton Sarajevo

Ministarstvo za obrazovanje, nauku i mlade


Mr. Anis Krivić

Broj: 11/07-11-22215-14/20
Sarajevo, 13.8.2020.

Pripremili: Ida Ramadanović
Adnan Subašić

Pregledala i saglasna: Sadeta Selimović

QSS d.o.o. Sarajevo

Datum: 12. 08. 2020

Br. protokola: 1093/20